



Universitätsbibliothek Paderborn

**Libelli Cvivsdam Antverpiæ Nuper Editi Contra
Serenissimvm D. Ioannem ab Austria, Gubernatorem
generalem inferioris Germaniæ, qua parte conscientiæ, vt
vocant, libertas in eo requiritur, breuis & ...**

Lens, Jean de

Lovanii, 1578

Secundum caput, exemplum proponit reipublicae Iudaicae, in qua temporariaru[m] plagarum metu, cutus vnius Dei, ritusque colendi diuinitus institutus, quantumuis varius & molestus, per complures ...

urn:nbn:de:hbz:466:1-30345

Rome. 13. dium portat (ut beatus Apostolus inquit) minister enim Dei est, vindicta in iram ei qui malum agit. Qui autem ea punierit quæ siue factis, siue verbis sacrilegis veræ religioni aduersantur, eaque puniendo vel minuerit, vel sustulerit. è Republica Christiana; nonne is præclarè tibi videtur religionem Catholicam in eadem Republica, vel omnino, vel magna falso ex parte cōseruasse?

CAPVT

II.

AC sicut modò religio Dei donum est, sic opinor, & antea omni tempore fuit: nec ea solum ex parte Dei munus est, qua hereticorum damnantur errores, verum etiam ex ea qua gentium simulachra falsique defugiuntur. Atqui in Iudaicum populum, ne ad idola deflueret, graues minas, eiusdemque postea quam ad ea deflexisset, acerbissimas plagas diuinitus irrogatas, ignorat nemo, qui sacras litteras attigerit. Et quanquam subinde populus ille fœdè lapsus sit, tamen nonne per tot annorum centurias istiusmodi seueritate vera inter eos religio stetit, vniusque Dei cultus in illa est Republica conseruatus? Neque vero hic audiendum est, populum illum istiusmodi fuisse ratione cohibendum, quod durissimum cervicis esset. Nam neque modo dura nobis cervices defuerint: quas neque molli pietas, neque obedientia flectit; & si

et A

quis-

quisquam illud fortasse produxerit, nihil
omnino causam adiuuerit suam, cum inter-
rim teneamus etiam tum vius veri Dei
cultum, munus diuinum extitisse. Quod do-
num si conseruandum non fuit in homi-
num animis, incusso seueritatis poenarum-
que metu, non debuit idolatriæ lapsus
tanta poenarum & calamitatum acerbitate
puniri. Si autem conseruatum sic est, &
multos quidem per annos, qui fiat ut non
& modo ratione consimili Catholicæ reli-
gionis munus in Republica Christiana con-
seruetur? Neque enim adeo tardo quen-
quam esse ingenio puto, qui non videat
quam Iudeis quoque iustæ fuerit causa que-
relæ, cum propter cultum idolorum graui-
bus ruinis feriebantur; si hoc iam dicere
quisquam cum ratione potest, Cur tenere
fidem hanc supplicijs cogor, quam nisi de-
derit Deus, habere non possum? Quid? quod
nec integrum iam erit Deo, quemquam sup-
plicijs æternis addicere, propterea quod
eum non præ omnibus rebus dilexerit? Pa-
ratum enim & hoc erit continuo: Iniuste
me cum agis, qui me sic punias, quia non ha-
buerim quod nisi te largiente habere non
potui.

PORRO, ut alia nō pauca huc pertinen- CAPVT
tia, quæ illorum fuere temporū, omittamus. III.

A 4 ad